

## 1- Entzun aurretik

### 1.1 Ihesaldi erromantikoaren ezaugarriak

Bikotekidearekin egiten ditugun bidaiak eta egonaldiak “kutsu erromantikoa” izaten dute, horregatik dira bereziak. Horretaz arituko dira Jon eta Jone gaurko atalean. Beren proposamena ezagutu aurretik, adibideari jarraitu eta aipatu ihesaldi erromantiko orok izan beharko lituzketen ezaugarri garrantzitsuenak zure ustez. Ikaskideekin partekatuko dituzu ideia horiek ikasgelako mintza saioan.



*“Ihesaldi erromantikoa izateko ezinbestekoa da nire ustez, intimitatean bikotekidearekin goxo-goxo egoteko baldintzak topatzea bertan: spa, xanpaina, kandelak, usain atseginak, janari afrodisiakoa...”*

**Eta zuretzat zer da?**

### 1.2 Zer gertatu ote da bulegoan?




Joneren bulegoan ezustekoa izan da eta Joni kontatuko dio zer gertatu den:

- Irakurri aukerak eta pentsatu zer izan daitekeen bulegoan gertatutakoa.
- Komentatu ikaskidearekin zure aukeraketa.

- Norbait gaixotu da
- Zuzendariak norbait kaleratu du
- Lankide batek bestea salatu du
- Joneren lankidea haurdun dagoela jakin dute
- Besterik:

## 2- Entzun bitartean






## 2.1 Gertaeraren xehetasunak

   Orain, entzun elkarrizketa eta alderatu lehen erantzun duzuenarekin. Ondoren, osatu erantzuna elkarrizketan esandako xehetasunekin: pertsona horren izena, gertaeraren xehetasunak: non, noiz, zergatik...Eta azkenik, Talde handian partekatu.

**Xehetasunak jaso:**



## 2.2 Elkarrekin egoteko aukerak

   Jon eta Jone elkarrekin egoteko gero eta ahalegin gehiago egiten dituzte. Entzun elkarrizketaren bigarren zatia eta esan  edo  bidez, ondorengo esaldiak bat datozen ala ez entzundakoarekin

- Joneren etxean serie bat ikusteko geratu dira baina ez dira ados jarri eta film bat ikusiko dute azkenean.
- Jon asteburuko irtenaldi bat elkarrekin egiteko irrikan dagoenez, luxuzko hotel batean suite bat hartu du.
- Joni opari kutxa bat dauka gordeta iaztik eta iraungitzear dago, baina Joneri gezurra dela iruditzen zaio.
- Opari kutxa ez duela berak erosi duela frogatzeko, erositako data erakutsi dio Joneri
- Joneri ez zaio hotelean bi gau igarotzearen ideia gustatu eta gertuko nekazal turismoko etxe batera joatea proposatu dio
- Ihesaldirako data aukeratzeko garaian, Joneren semea noiz itzuliko den hartu behar dute kontuan
- Jon izango da gaua non igaro erabakiko duena
- Jone saiatuko da hurrengo bi egunetarako baimena eskatzen lantokian, baina segur aski ez du aukerarik izango.
- Benetako ihesaldi erromantiko izateko, lentzeria fina eramateko eskatu dio Joneri.

### 3- Entzun ondoren

#### 3.1 Ihesaldi erromantikoa proposatu

Oso ohikoa da Interneten topatzea ihesaldi erromantikoak eskaintzen dituzten iragarkiak. Horietako asko ordea, ez dira oso "originalak". Horregatik, zuek zuen gustuko proposamena sortu beharko duzue.

Eginkizuna:

- Binaka, ariketan aipatu dituzuen ezaugarriak partekatu eta horietan oinarritutako iragarkia sortu behar duzue. Nahi izanez gero, lagundu iragarkia erakargarriagoa izaten irudiak erabiliz.
- Ondoren, ikaskideen aurrean azaldu zuen proposamena.
- Azkenik, denen artean, erabaki zein iruditzen zaizuen proposamenik originalena, arrazoituz.



### NAGUSI HOTELA

## Gorbeiarra ihesaldi erromantikoa

[AZKEN EGUNA]

Hotel berezia Gasteizetik 15 kilometrotara eta Bilbotik 25 kilometrotara. Ezagutu ezazu Virgen del Oro-ko Santutegia, Jugatxiko ermita, Sarria edo Gorbeako parke naturala.

AFARIA + EGONALDIA + GOSARIA

- Gau bateko egonaldia bi pertsonentzako.
- Afari erromantikoa 2 pertsonentzako:
  - Olagarro tosta ali-oli kremarekin.
  - Ahate kaneloia sagar bexamelarekin.
  - Bakailoa tempuran safainarekin.
  - Gazta tarta eta frambuesa coulis-a.
  - Ura eta Ardoa aukeran Garcia de Olano zuria edo 2010 Laraz krianza.
- Hurrengo eguneko gosaria barne: laranja zuku naturala, zerealak, kafea, yogurra eta aukeran tostadak hestebeetekin edo kroissantak mermelada eta gurinarekin.
- WiFi. Late Check Out posible izanez gero. Azken prezioa 2 lagunentzat.
- 2 pertsonentzako gau bat gehiago nahi izan ezker (gosaria barne) 45 euroko gehigarria ordaindu beharko da Hotelean.